

**Տ. ՆԱՐԵԿ ԱՔԵՂԱ ԱՎԱԳՅԱՆԻ ՔԱՐՈՋԸ՝
ԽՈՍՎԱԾ Ս. ԷԶՄԻԱԾՆԻ ՄԱՅՐ ՏԱՃԱՐՈՒՄ
ՄԱՏՈՒՅՎԱԾ Ս. ՊԱՏԱՐԱԳԻՆ**

(16 մայիսի 2004 թ.)

*«Ես եկի զի զկեանս ունիցին,
և առանկ ես ունիցին»:
(Նովի. Ժ 10)*

Սիրելի հավաքացյալ թույրեր և եղբայրներ, Նովիաննու Ավետարանի այս տողերը մեր մարքի ընթացքն ուղղում են դեպի համայն մարդկության Տեր և Փրկիչ Նիսուս Քրիստոսի անձը:

Ո՛վ էր Քրիստոս և ինչի համար աշխարհ եկավ...

Քրիստոս եկավ նախ, որպեսզի մարդը վերագրնի իր աստվածաստեղծ և աստվածաման բնությունը և աստվածապարզ և առաքելությունը, որպեսզի մարդու մեջ վերստին ծնվի Աստված և աստվածայինը դարձնի մարդկայինի փոխարեն ու ուղեցույցը: Քրիստոսի մարդեղությունը ճշմարտության թանձրացումն էր և իրականացումը կյանքի մեջ:

Աստվածորդու մարդեղությունը, այսինքն Իր՝ որպես Աստված մարդկային կյանքի մեջ գոյությունապես հայտնվելը, աստվածհայրությունը, հանդիպումն է Աստծո և մարդու: Իր կյանքն աշխարհի վրա՝ միախառնումն է աստվածայինի և մարդկայինի:

Քրիստոս աշխարհի եկավ մեղավորներին ապաշխարության բերելու. «Ես արդարեւորին կանչելու չեմ եկել, այլ՝ մեղավորներին» (Մատթ. Թ 13), նաև «Մարդու Որդին եկավ փրկելու և փրկելու կորածին» (Ղուկ. ԺԹ 10): Նովիաննես Ավետարանչի վկայությամբ՝ «Աստծու Որդին հայտնվեց, որ քանդի սատանայի գործը» (Ա Նովի. Գ 8): Քրիստոսի աշխարհ գալով ամբողջացան օրենքն ու մարգարեությունները. «Մի կարծեք, թե Օրենքը կամ մարգարեներին ջնջելու եկա. չեկա ջնջելու, այլ՝ լրացնելու» (Մատթ. Ե 17):

Քրիստոս աշխարհի բերեց հավիտենական ճշմարտությունը: Ծառ իմաստուն մարդիկ շարավալի գեղեցիկ բաներ են ասել ճշմարտության մասին, բայց Քրիստոս՝ Աստծու Որդին, չխոսեց միայն ճշմարտության մասին՝ այն թղթի վրա արձանագրելով, այլ եղավ ճշմարտությունը. «Ես եմ ճանապարհը, ճշմարտությունն ու կյանքը» (Նովի. ԺԴ 6)՝ իր կյանքի օրինակով մարդկությանը ճշմարտության կենդանի պարկերը տալով: Այս ամենից զատ, Քրիստոս, աշխարհ գալով և ապրելով մարդկանց մեջ, ճշմարիտ կենսաձև տվեց, որը մեզ համար մի նոր կյանք եղավ. «Ես եկա, որպեսզի կյանք ունենան և առավել ևս ունենան» (Նով. Ժ 10):

Այդ աստվածատուր կյանքը դարձավ ստեղծագործության խանգարված վիճակի մեջ կարգ ու ներդաշնակություն ստեղծող ուժը:

Քրիստոսավանդ կյանքի ապրումը երկնքից իջավ ու երաշտի վերածված մարդու մեջ վերստին ցանեց աստվածության ցողը և վերանորոգեց մարդու կյանքը՝ այն դարձյալ Աստծու հեղափոխության բերելով և առաջնորդելով դեպի երջանկություն:

